



**PEKELILING PENTADBIRAN
BILANGAN 40 TAHUN 2015**

**PENUBUHAN SKIM CUTI BELAJAR
STAF BUKAN AKADEMIK (SCuBBA)
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar
1 Oktober 2015

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 4 (68)

1 OKTOBER 2015

PEKELILING PENTADBIRAN BIL. 40/2015

PENUBUHAN SKIM CUTI BELAJAR STAF BUKAN AKADEMIK (SCuBBA) DI UNIVERSITI TEKNIKAL MALAYSIA MELAKA (UTeM)

1.0 TUJUAN

1.1 Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Universiti Bilangan 1 Tahun 2015 yang bersidang pada 2 April 2015 telah bersetuju dengan Penubuhan Skim Cuti Belajar Staf Bukan Akademik (SCuBBA) di Universiti Teknikal Malaysia Melaka (UTeM).

2.0 LATAR BELAKANG

2.1 Mesyuarat Majlis Eksekutif Bilangan 9/2014 yang bersidang pada 16 Disember 2014 telah bersetuju di atas Cadangan Mewujudkan Skim Cuti Belajar Staf Bukan Akademik (SCuBBA) dengan kemudahan biasiswa untuk Staf Pentadbiran : Kumpulan Pengurusan dan Profesional dan Kumpulan Pelaksana di Universiti Teknikal Malaysia Melaka (UTeM).

3.0 TUJUAN PENUBUHAN SCuBBA

3.1 Membentuk sumber manusia yang profesional dan berkualiti seiring dengan perkembangan Universiti dalam memantap dan memperkukuhkan pengetahuan sumber manusia dalam bidang pengkhususan dan kepakaran bidang berkenaan bagi membolehkan staf memikul tugas dan tanggungjawab yang semakin mencabar.

3.2 Menyediakan skim insentif kepada Staf Pentadbiran yang telah mencapai prestasi kerja cemerlang dan telah banyak menyumbang kepada pembangunan Universiti.

3.3 Memupuk budaya kecemerlangan semangat bekerja, kesetiaan dan dedikasi serta dorongan dalam menentukan taraf pencapaian dan daya pengeluaran yang tinggi dalam usaha mencapai matlamat Universiti.

4.0 KAEDAH PELAKSANAAN

4.1 Skim Cuti Belajar Staf Bukan Akademik (SCuBBA) adalah meliputi pengajian di dalam dan di luar negara dan skim ini dikategorikan kepada empat (4) taraf Cuti Belajar seperti berikut:-

4.1.1 Cuti Belajar Bergaji Penuh Dengan Biasiswa Bagi Pengajian Sepenuh Masa (CBBP);

4.1.2 Cuti Belajar Separuh Gaji Dengan Biasiswa atau Tanpa Biasiswa Bagi Pengajian Sepenuh Masa (CBSG);

4.1.3 Cuti Belajar Tanpa Gaji Dengan Biasiswa atau Tanpa Biasiswa Bagi Pengajian Secara Sepenuh Masa (CBTG); dan

4.1.4 Tajaan Yuran Tanpa Cuti Bagi Pengajian Secara Separuh Masa.

4.2 Dalam menyokong usaha kerajaan untuk mengarusperdanakan pendidikan teknikal dan vokasional (TVET) demi memenuhi keperluan modal insan negara, kemudahan CBBP keutamaan akan diberikan kepada Staf Pelaksana yang berhasrat untuk mengikuti Latihan Kemahiran (Teknikal dan Vokasional) di bawah SkillsMalaysia bagi mengikuti latihan kemahiran di peringkat sijil kemahiran dan diploma kemahiran (tempat latihan telah ditetapkan). Senarai penuh kelayakan kemahiran dan institusi kemahiran boleh dirujuk di pautan <http://www.ejpk.gov.my/MQA/ProgramList.aspx>.

4.3 Kuota staf yang akan diberikan kemudahan Cuti Belajar adalah lapan (8) orang bagi setiap tahun dimana tiga (3) orang bagi Staf Pentadbiran : Kumpulan Pengurusan dan Profesional yang terdiri daripada Gred 41 hingga 54 dan lima (5) orang bagi Staf Pelaksana yang terdiri daripada Gred 11 hingga 40.

4.4 Kemudahan Cuti Belajar untuk pengajian di peringkat Sarjana dan Doktor Falsafah akan diberikan kepada Staf Pentadbiran : Kumpulan Pengurusan dan Profesional sahaja. Manakala Staf Kumpulan Pelaksana hanya akan diberi kemudahan cuti belajar untuk pengajian di peringkat Sijil, Diploma dan/atau Ijazah Pertama sahaja.

4.5 Walau bagaimanapun, Perenggan 4.1 sehingga 4.3 adalah tertakluk kepada keputusan Panel Skim Cuti Belajar Staf Bukan Akademik (SCuBBA).

5.0 SYARAT-SYARAT PERMOHONAN

5.1 Staf Pentadbiran : Kumpulan Pengurusan dan Profesional dan Kumpulan Pelaksana di Universiti Teknikal Malaysia Melaka (UTeM) yang berhasrat untuk melanjutkan pengajian di bawah skim ini hendaklah memenuhi syarat-syarat permohonan sebagaimana yang turut terkandung di dalam Polisi Skim Cuti Belajar Staf Bukan Akademik (SCuBBA).

6.0 PERKARA AM

6.1 Pihak Pengurusan Universiti membuat ketetapan untuk dapat menyegerakan pelaksanaan Skim Cuti Belajar Staf Bukan Akademik (SCuBBA) menerusi Pekeliling ini. Namun begitu, pihak Universiti bersedia untuk menerima sebarang maklum balas daripada pelaksanaan ini daripada warga Universiti untuk pertimbangan penambahbaikan seterusnya.

7.0 PERTANYAAN LANJUT

7.1 Sebarang pertanyaan lanjut berhubung perkara ini boleh dikemukakan kepada pegawai-pegawai berikut:

- (a) Encik Akmal bin Abdul Manap – Tel. : 06-331 6134 ,
e-mel: akmal@utem.edu.my ; atau
- (b) Cik Laila Zahidah binti A. Rahman – Tel. : 06-331 6311,
e-mel: laila@utem.edu.my .

8.0 TARIKH KUAT KUASA

Pekeliling Pentadbiran ini berkuat kuasa serta-merta mulai dari tarikh ia dikeluarkan.

Rujukan :

Polisi Skim Cuti Belajar Staf Bukan Akademik (SCuBBA) Universiti Teknikal Malaysia Melaka – CB/SCuBBA/P1

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/bcb